




三代以前女子無不知書故三百篇多閨闈
之作而姓氏無焉後世治經之士以此梯榮
而謂婦人無與乎此故一二著作家如蔡班
者遂若景星鳳凰之爍人耳目至鄙學稽儒
反有泥無攸遂在中饋之說而謂泓穎之事
非閨中所宜者則尤恂恂之見也淑華夫人
爲吾友哉 秋平之配于詩無所不工人或
以秋平之貧爲歎而謂夫人之命適窮於詩

余曰是何言也秋平學古人之學其子無假
年甫志學而讀書等身詩文皆驚其長老瓜
牛廬中父子夫妻更唱迭和肅如雍如似集
良友揚州城中豐屋蔀家持梁刺齒肥者有
一能如是者乎昔王霸名在逸民其妻別入
列女分耀史策千古榮之他日文苑傳中同
垂不朽則天之資之者爲何如而區區以太
夫人不忘挽鹿車時期之抑目論矣乾隆丁

未天中節全椒樓亭金兆燕拜序



原件短缺

P1

淨因善讀書性尤嗜詩父解亭先生督之嚴
誠以筆墨非女子所宜乃不敢多作歸予後
唱和甚樂而米鹽間之又索畫者多乃至日
不暇給遂厭苦筆墨守父誠一意以女紅易
甘旨中年後謂女史以梱範爲重未可有鶩
門戶之習益絕口不言詩有慕名來訪者輒
以不識字峻辭嘉慶甲子淨因已六十三歲
矣予携之游西湖阮雲臺中丞予舊友也其

孔夫人亦世誼並延入署淨因得與夫人唱和始稍稍料理舊業予詩爲孔上公所刊今孔夫人因亦索刻淨因之詩予爲編次所作僅得三百餘首耳時乙丑二月也

秋平居士黃文暘識

綠秋書屋詩鈔卷目錄

擬古

柳絮

春寒行

春宵望月

碧桃

采蔬曲

春雨初晴

送春雜咏以晚風掃歸路傳語落花知
為韻

夏夜

偶成

畫蘭

春日湖上

夜雨懷石洲大兄六首

梅花四詠

晚樓奉母應命作

送芳谷二兄之淮北

木芙蓉

春日

清明日讀書

題畫

愛柳四首

雁字分韻得花字

題秋成圖

秋平問昔日湖居之盛口占答之

冬日積雨

秋平約同志數葦雨中修稷歸以治春

詞二十首見示依韻奉和

夏日作畫偶成二首

落花

立夏前二日感懷

秋海棠

同秋平分題得紅蜻蜓

姪女篋書與姪倩汪繡谷以所作迎秋

曲見示擬作六首

題篋書迎秋曲後二首

清秋雜咏六首

題靜嫺女史秋山讀書圖

明妃出塞圖和靜嫺夫人韻二首

納涼 出塞圖 咏梅 謝夫人贈二首

茉莉 安石山 謝安石

晚塔間步 八首

秋日雨中 八首

題吳生秋山夜讀圖二首

悶雨 八首

題三友圖 八首

江村 八首

畫山水

咏庭前綠梅六首

送秋平赴試 謝秋平 謝秋平 謝秋平 謝秋平 謝秋平 謝秋平

燭米與秋平分韻 謝秋平 謝秋平 謝秋平 謝秋平 謝秋平 謝秋平

祝姚姬傳先生尊堂陳太夫人七十壽

和嚴生祖華殘菊衰柳霜葉秋鴻韻四

老首 八首

冬日雨中 謝子 咏秋平 泉贈

春日雨中言懷和秋平原韻

生辰有感

上巳日有感

細雨

江鄭堂出其妹小維摩龍女授經圖小

照索詩並讀詩集奉題六絕句

白鳳仙

蠟梅

秋葵

四十初度和秋平原韻

自題畫幅

題河鯉登龍門圖

中秋食物八詠

雁

秋興四律和秋平原韻

百美詩同秋平聯句次第為韻

題滄浪漁父圖

丙午清明卽事

擬曹子建驚風飄白日示兩兒

紅葉和韻四首

題李艾塘先生畫舫錄四首

盆菊和韻四首

題吳玉松太史除夜遊山圖

九九吟

憶遠

題顧季藍夫人采采蘋藻圖四首

立秋日感賦

六十初度時秋平授經闕里作四律見

寄依韻奉和

赴武林道中十絕

西湖

咏節使廳前冬青樹

甲子立春和書之夫人原韻

病中四絕呈阮經樓書之兩夫人

題阮伯母林太夫人遺照二首

素心蘭

同經樓夫人西湖舟中作二首

臯亭山看桃花和經樓夫人原韻

四時閨中八詠與經樓書之兩夫人及

女弟子同作

甲子三月送經樓夫人歸寧曲阜

鮑老夫人院中藤花繡球盛開命畫于

摺扇並題贈

懷經樓夫人舟中二首

咏堂前米囊花

送春

杭州五月

桐綿

六月二十四日俗傳荷花生日戲作荷

花曲

夏日曉起偶成

立秋後一日坐受祐堂看雨有感

節署後苑

賀阮劉書之夫人育麟之喜

錢塘江上看潮歸自西湖賞晚荷

八月十七日江樓觀潮用坡公八月十

七日登望海樓觀潮韻

鵲

詠蘭菊

題阮雲臺中丞秋江載菊圖

題阮梅叔

冬日晚歸寓齋

乙丑新正記日詩八首

西湖種柳詩為雲臺中丞

雨中牡丹

白桃花

回揚州留別杭州書舍

答王愛蘭夫人

答王子一女史

答王子莊女史

立秋前二日作

冬夜與經樓書之二夫人過隋文選樓

看牡丹有感

初夏閒咏

文選樓芍藥分韻得枝字

緣秋書屋詩鈔

甘泉黃張因淨因

擬古

皓月高無極仰面見清光
人生行有盡萬里
去何長高山不可越
古道何茫茫滄海多風
波欲渡無舟航安能生兩翼
化爲雙鳳凰飛
鳴丹山阿翱翔千仞岡
又如浮筠竹動搖聲
鏘鏘截爲鳳鳴律清音達四方
寒谷少春風

吹之和陰陽有志若不遂不如遊帝鄉峩峩
碧玉冠飄飄紫雲裳超然塵世外眼底任滄
桑

柳絮

柳絮飄空風力微吹來點點欲沾衣也知世
俗輕才調白雪陽春遍地飛

春寒行

倏然又過中和節盡日陰陰天欲雪寒氣侵

衣未肯回無情每把花摧折桃枝李萼盡含
芳柳葉將舒未吐黃不見杏林紅一色早驚
梅粉褪殘粧飄來亂逐東風起吹落西郊南
陌裏更有春遊倦繡人珠簾不捲愁如水詩
情冷落綠窻前凍合琉璃硯匣堅芳草陌頭
虛繡轂梨花院宇罷鞦韆君不見窻前草青
青未見沿堦遶又不見枝上鳥臥巢不敢啼
春曉三分風雨二分寒一半韶光今過了羯

鼓催春春不知蟠空猶見寒雲繞流鶯愁上
最高枝蝴蝶慵飛燕到遲安得燕山鄒衍律
倚欄吹與百花知

春宵望月

月光斜透紗窗裏掩卷長吟思未已起望青
霄夜若何流空素彩清於水花枝弄影怯春
寒金鳴香銷玉漏殘何處羽衣初舞罷一聲
長笛倚闌干

碧桃

折柳臨春隄隄上春無跡隔水有桃花盈盈
葉初碧

采蔬曲

春樹啼黃鳥春階亂綠蕪晝長無一事結伴
采青蔬

春雨初晴

曉日東風霽輕寒雨後天春山楊柳色一半

鎖晴煙

送春雜詠以晚風掃歸路傳語落花枝

爲韻

木香開後鶯聲嬾夕卸朝飛花片減凭闌忽
欲怨東風柳綿吹遍春光晚

女郎倦繡倚闌東手把新詩讀未終綠鬟忽
沾飛絮雪春衫輕拂楝花風

人過園林春色老山隄野逕迷芳草佳辰已

過賞花時催落殘紅風自掃

三月韶光滿眼非人來花下怯花飛日斜愁
看蒼苔路春去茫茫何處歸

草滿池塘青澗露水邊蝶亂鶉啼處名花有
意送東君零落如雲滿歸路

斜日園林柳拂天平黃梅子折來圓可能寄
語南枝去盼爾明春信早傳
花間歷亂遊蜂侶小望青青柳烟渚幾許春

風喚不回芳樹難留鷓鴣語
水亭風透羅衣薄草接垂楊牽翠幙雨過枝
頭杏子圓滿天雲影鞦韆落
玉香鞋子踏晴沙白雪歌翻扇影斜畫棟橫
飛雙燕子碧溪流出武陵花
芍藥欄邊春到遲留春春住幾多時燕鶯作
達空相賺惟有多情杜宇知

賞夏夜

涼風送遠鐘露濕桐陰薄斜月影沉西卧見
榆花落

偶成

雲散晚涼生瀟瀟雨初歇樓角翠煙輕當窻
見新月

畫蘭

湘紋簾外月初斜小剔銀缸對碧紗自滴新
梧葉上露細調鉛粉畫蘭花

春日湖上

湖上春光麗風微日正和蝶隨芳草集柳近
畫樓多鶯囀和絲竹花香散綺羅誰能攄彩
筆寫出好烟波

夜雨懷石洲大兄六首

夢遠懷同氣秋來雨更悲秦吳雲淡蕩燕宋
草離披飛燕去將盡行人歸未知蟲聲吟四
壁重憶別離時

憶昔牽裾語歸來度歲華初言遊有地久作
客無家萬里行踪渺三年夢雨賒相期何日
返庭樹幾爲花

忽欲登樓望煙雲蔽遠空家貧勞負米嫂病
歎飛蓬水濶魚難渡山高雁不通蓴羹秋正
美徒有過江風

歲月漸云暮秋花半已飛堂空人不見路遠
信難歸四壁添塵網三秋此下帷寂寥頻洒

淚况值雨霏微
遠水蒹葭老伊人阻一方秋雲連塞北夢草
冷西堂雨急鄉心迴風寒客路長更憐攀桂
手坐看落天香
堂上聞嗟歎閨中繞夢魂披文留稿在檢笥
寄詩存縱有江山趣寧忘鞠育恩思之不能
見寒雨落燈昏

梅花四詠

靜洗華粧絕點塵愛他生性耐黃昏相思夜

月人同瘦疎影橫窻伴夢魂

窻前

羅浮夢醒下瓊臺環珮珊珊待月來獨有幽
閨人是伴露寒風冷立瑤堦

月下

猿鶴爲鄰不計春冰姿生怕惹紅塵東風幾
日開如雪獨立空山不見人

山中

孤芳合向水邊栽冷蕊幽香伴綠苔却似美
人臨鏡照風前顧影自徘徊

水邊

晚樓奉母應命作

晚風樓上奉慈顏
愛得今宵月共看
滿地露華侵繡幕
一庭花影映雕欄
清談欲罄銀河水
駐景須求紫府丹
悵望白雲瞻未極
遙從天外祝平安

時家大人應白下軍門講席之聘

送芳谷二兄之淮北

驛路梅初放
飛花點客樽
空縈遊子意
莫負老親恩
淡日臨高樹
孤雲護遠邨
好憑魚雁

使暫爾慰晨昏

木芙蓉

菊有黃花後
芙蓉露下紅
花疑弄春色
葉自勁秋風
影落碧潭裏
粧成清鏡中
美人怨遲暮
霜信漫匆匆

春日

倏忽春將半
花開猶未知
避寒疑尚早
聽鳥悟方遲
撲面和風軟
推窗曉日移
求桑陌上

女應是采蘩時
風神游蕙
清明日讀書
一番雨過又清明
桃杏扶春解弄晴
翠竹影中分
好鳥綠楊枝上動
新鶯風來庭院花爭發
夢入池塘草半生
莫笑貧家多寂寞
間窻頗有讀書聲

題畫

秋山淡如人
秋水平如鏡
閒坐數風帆
心與

沙鷗靜

愛柳四首

我愛柳種柳
小庭前春爭梅
萼後嬌僭杏花
先幾日清明
雨青青一樹煙

我愛柳柳絲長
要裊垂流水
低回拂洞房
偏入愁人眼
朝朝挂夕陽

我愛柳柳葉垂
望遠初驚眼
臨粧乍擬眉
畫欄低映處
一任好風吹

我愛柳柳花輕穿簾如有意著物總無聲莫
入紅樓去恐傷離別情

雁字分韻得花字

一緘揮就出雲霞萬里傳來道路遐度嶺却
疑書帶草臨風似有筆生花題殘古戍霜初
冷寫遍秋空月正華遙識渾非鍾衛體獨將
人影寄天涯

題秋成圖

籬落花開樹繞門溪山風景樂無垠荷鋤入
畝雲連岫橫笛歸家月滿邨茅索宵成間豎
牧稼禾秋熟長雞豚曉來一望青青處雨霽
郊原發稻孫

秋平問舊日湖居之盛口占答之

憶昔湖居好居然太古風詩書承祖訓孝友
育童蒙秋月明含野春波綠浸空至今十六
載煙水作鮫宮

冬日積雨

歲月將云暮陰雲盡日生寒風侵戶牖冷雨
暗江城斷續空階滴蕭疎大道平檻梅幽蕊
發砌草嫩芽萌楓落江山老鴻飛天地清晚
鐘雲外起遙聽隔烟聲

秋平約同志數輩雨中修禊歸以和漁

洋山人韻冶春詞見示依韻奉和

貧居不問春消息惟有飛花片片來冒雨羨

君將伴去愁眉應許一時開

畫橋間倚望遊人不見遊人見好春無數樓

臺烟雨裏一聲何處破歌唇

長堤十里畫圖中柳影花光綠映紅和雨和
烟添蘊藉一番領畧莫匆匆

平掠春蕪燕燕飛舊時景色尚依稀雨中應
覺春寒倍誰送橋頭半臂衣

揚州少婦踏春紅眉樣都誇曲似弓好與遠

山爭秀色莫教容易歎飛蓬

每逢折柳憶天涯故里春深起歎嗟欲傍紅

橋招旅夢迷離遠樹晚風斜

石洲大兄
久客未歸

幾幅屏山寫未成閒愁又逐雨絲生挑鐙百

讀詩中畫筆底烟雲倍有情

一春花遶平山路花落花開總未知怪底尋

春齊踏雨怕他容易綻將離

寒食將過柳遶城遊人爭買杏花餽當壚十

五盈盈女眉隱春山望不明

琅玕風調一時名多恐前賢畏後生細雨紅

橋詩句好也應李郭墜中行

柳舞高腰杏點脂閒閨嬾看雨中姿金鍼會

奪春工巧自向笙囊繡折枝

鶴背腰纏未是僊槐柯蟻穴也非賢不如買

箇春風權載酒裘詩年復年

水面風來柳影開誰將屐齒印春苔狂生幾

羣間吟賞携得紅橋烟雨回
消渴相如賦絕倫明珠光燄玉精神何年共
擢歸瀛海耕鑿瓊田號散民
啼春好鳥若爲憐似和才人錦繡篇不怕留
春春欲去買春早已散榆錢
隄邊嫩草青連水樓外垂楊晚拂烟最是一
番寒食雨朱簾碧檻總堪憐
雨笠霏霏著軟塵桃花點點上風巾歸遲不

記衝泥苦拍手先來說冶春

草滿池塘長碧苔風風雨雨暗相催多情只
有梁間燕銜得殘香入戶來

水色山光遶檻前春風人去已千年落花飛

絮休相妬正是江南暮雨天

三月清明連上巳後人芳軌憶前型鶯花滿
眼休輕擲且醉紅橋柳外亭

人夏夏日作畫偶題二首

入夏渾無事湘簾鎮日垂茶須烹雀舌筆不
畫蛾眉研粉調花露分烟折柳絲素縑三尺
六寫出殿春枝
幼日嫵鍼線于今盡棄捐鴛鴦閒繡譜蛺蝶
上花牋雖有丹青癖難酬筆墨緣虛名宜懺
悔更爲寫金仙

落花

簌簌輕紅撲繡帷閒階怕見落花飛三分顏

色隨朝雨一片心情對夕暉芳樹露寒春已
暮小園烟重葉初肥飄零偏入愁人眼莫遣
紛紛點客衣

立夏前二日感懷

一番雨過又斜陽無計留春春去忙蝶抱殘
英猶繞樹燕銜零粉欲歸梁柳花旣幸能浮
水腐草還矜漸有光最是玉梅甘冷靜綠陰
庭院日初長

秋海棠

細剪輕羅作翠裳
小山低處畫欄旁
漫言薄命依秋露
怕惹愁心避夕陽
看到多情真是
淚生來有韻自然香
靈芸一去青蛾老
莫對西風又斷腸

同秋平分題得紅蜻蜓

羨爾詩中舊得名
間來小院亂繁英
輕如蛺蝶衣嫌素
勞不魴魚尾亦頰
點水翩翩紅影

細乘風款款絳綃輕
秋深莫向霜林過
飛入丹楓辨未明

姪女篋書與姪倩
汪繡谷以所作迎秋

曲見示擬作六首

獨坐幽窗萬慮空
清機一片有無中
悲秋獨有涼蟬早
枝上聲聲咽晚風
銀河淡淡寫新秋
我欲乘槎學遠遊
懶向湖山舒倦眼
紅衣零落渚蓮愁

誰家按曲未成聲
流人清商怨不平
此夕月明人盡望
縱無愁思也關情
高梧欲落葉翩翩
彈指流光感去年
又是閒愁消不得
滿庭明月早秋天
水面風來枕簟寒
芰荷亭館雨初殘
愁人最是窻前竹
寫出秋聲欲和難
雙雙海燕欲辭梁
江水清清嶺樹黃
秋草秋花含別意
不知秋思幾人長

題姪女篋書迎秋曲後二首

嫩涼庭院景蕭疎
絕好秋容淡自如
愛向鸞箋分半頁
玉臺吟罷晚粧初
清涼漸喜暑初殘
羅袖臨風愛薄寒
好句應書蕉葉上
秋心展處思漫漫

清秋雜詠六首

忙中歲月常催老
靜裏心情自息機
笑爾白駒空過隙
等閒春盡又秋歸

門臨古堞人踪少
窻對清溪樹色閒
最好看雲兼聽雨
淙淙流水似深山

夕陽遠樹蟬聲咽
細雨空階蟋蟀鳴
多少秋光人不識
此中消息此時情

桐花落後桐陰薄
蓮子成時蓮葉稀
莫道春容不長好
秋華何事逐風飛

高城落葉來深徑
古寺疎鐘出遠林
分付小鬟收畫篋
晚涼課子向花陰

少陵詩骨窮偏傲
司馬文章病不衰
雨過幽花隨意放
柴門深閉卽蓬萊

題靜嫺女史秋山讀書圖

想像蘭閨倦繡餘
閒將彩筆繪幽居
綺窻雨過雲垂幕
水閣風來月映書
自笑買山非大隱
可能卜宅却偕予
烟嵐對寫詩聯句
把臂深林荷藥鋤

題明妃出塞圖次靜嫺夫人原韻二首

風捲平沙接日稠漢家烽火動高秋蛾眉去
國將軍陷一樣忠心赴隴頭
千古詩人題詠稠紛紛寫出塞垣秋玉容猶
得君王顧多少長門怨白頭

納涼

納涼宜避俗人靜少誼譁月轉波光動螢飛
扇影斜案書堪作伴爐火可煎茶誰識此中
味清風儂與花

茉莉

素質非凡品疑從仙境生色同霜雪競氣與
蕙蘭爭雅性炎偏冷幽香夜愈清諸花無可
並最得美人情

晚階閒步

向晚臨階步重門啓半斜夾城千萬戶深巷
兩三家舉目雲光活低頭草色華夕陽西去
後樓角有殘霞

秋日雨中

一番涼雨洗階墀
細草迎風弱不支
休道庭前花減色
青青開出玉簪枝

題吳生秋山夜讀圖二首

坐擁琴書爽氣侵
空山白月墮疎林
西風一夕清商動
如向秋窻和苦吟

幽居愛與世情疎
靜掩柴關自讀書
夜永坐看燈影瘦
不知清露濕庭除

悶雨

午夢誰驚起
東風吹雨聲
落花因水聚
小草傍堦生
鳥懶窺人下
雲寒逐雁行
暮來愁欲絕
點滴最分明

題三友圖

老松如龍鱗
細竹似鳳毛
結根在山阿
弄影臨清濤
下有傲雪梅
幽芳凜貞操
矯矯出世姿
上與青雲高
俯視凡草木
紛紛等蓬蒿

江邨

從來魚米江南賤邨市家家盡日間野水連
天塵跡遠入山何必定深山

畫山水

折取幽花欲寫真嫌他顏色太輕盈揮毫忽
動烟霞癖畫出青山萬古情

詠庭前綠梅六首

移得幽梅傍砌栽雪霜消盡絕塵埃朝來忽

訝香盈鼻昨夜東風已半開

半放猶含意態殊迷離香夢杖春扶月明偶
揭湘簾看不是紅兒是綠珠

疑花疑葉總難分晴色梢頭剪碧雲最是晚
來易惆悵數枝無語立斜曛

漠漠輕陰弄峭寒巡檐立久覺衣單瑤池路
隔無消息空有芳情寄樹端

曾從紙上寫寒枝淺碧深紅鬪粉姿今日小

庭開似雪東風雖好莫頻吹
春光來去總無涯纔到桃枝又柳芽莫待飄
零怨紅粉且留青眼對梅花

送秋平赴試

落葉滿階砌西風鳴西堂曉起促行色相對
兩茫茫雖無久離別中心自感傷何如百里
婦屢屢炊高糧朝餐渾未脩枵腹赴征航細
雨溼行袂涼颺吹短裳饑鴻唳天表寒鷺下

林塘行李太單薄何以禦嚴霜執手斯須立
有淚已盈眶丈夫富經術憂患天所嘗行矣
忽復顧壯心當自長

燭米與秋平分韻

甲辰小陽月北風吹冰堅曉起缺晨餐釜空
厨無烟探甕得炒米聊以代粥饘沃湯訝忽
窪堆甃何隆然外貌頗圓潔中心空空焉靜
坐思物理曷不全其天歛獻發長歎諸米其

聽旃爾族所來遠誕降太古前一種分百族
散處如流泉佳其茂曰稔別其性曰黏或稱
爲重思或號爲鳴蟬農人何勞勞爲爾役終
年若其不火食爾貴何用焉吸飲風與露大
地皆神仙

祝姚姬傳先生尊堂陳太夫人七十壽
荆布曾蒙拂拭勤絳紗幕下謁宣文芳傳梅
嶺花千片別憶揚州月二分青眼記攀江上

柳素懷長遡日邊雲采絲擬繡金仙像常把
心香一瓣焚

和嚴生祖華殘菊衰柳霜葉秋鴻韻四
首

西風籬落曉霜明病起看花淚欲傾蕭索斷
魂如我淡離披瘦影讓他清小園蝶過悲殘
夢三徑人歸詠落英好向寒堦移數本餘芳
留取與梅評

殘菊

搖落無心問化工秋山秋水怨何窮黃眉慘
淡愁逢雨青眼飄零泣向風賸得寒蟬鳴古
寺伴他殘月照離宮斷魂莫趁差人管又逐
清商入遠空

衰柳

秋至繁華老蕭疎萬木蒼吳江兩岸月巫峽
滿林霜映水流偏艷隨風去亦狂晚山紅一

帶遮莫誤漁郎

霜葉

不失黃花信年年賦遠征影分秋水闌爪畫

晚沙平愛作書空字愁聞帶月聲天門在咫

尺努力事雲程

秋鴻

冬日雨中誠子

凍雲壓低檐北風鳴枯桑雪意結未下雨勢
先飛揚素水積空階寒颼起幽房古硯結冰
花坐覺毛髮僵人生何癡拙不及蟄虫藏松
兒自塾歸雙足沾泥漿布袍不掩脛敝裘披
鞞羊雖未與戶齊將次與爺長小子且侍立

試與言家常爾祖理鹽菹厚澤有餘慶中道
事貧落四壁懸空囊爾父羞買臣五十困名
場爾母愧力弱坐食慚孟光積憂如繭絲世
路多羊腸時已薄歲暮家無隔宿糧獨鳥下
虛庭饑鼠鳴空倉嗟嗟爾小子母以自怠荒
古人卽我師大道明堂堂期爾成珠玉慎勿
作秕糠功名貴早立海天有梯航日短繼夜
讀母負寒燭光

春日雨中言懷和秋平原韻

二月兼旬雨熒熒原憲貧悶懷綿似繭愁思
積成困世事空驚耳饑寒莫累身堪嗟桃李
色寥寂不成春

入山原有志深愧老萊妻歲歉藏無酒厨豐
供有藜時聞鄰婦泣不聽樹鶯啼日日空階
上呼童掃屐泥

問產貧無物殘書斷簡多計疎緣命耳春薄

奈寒何破屋驚風雨柴門掩薜蘿羨君清興
在愁至但高歌

有子癡能讀何妨雪上頭光陰如過客身世
等虛舟雨急花辭樹風多柳近樓烟雲愁極
目何處暮鴻投

生辰有感

綠鬢朱顏暗裏催庭陰小樹已成圍人隨春
老年年改事逐時移處處非倦眼怕繁芳草

夢賞心慵看落花飛欲知此日愁多少憶女
思親淚滿衣

上巳日有感

暖風習習草青青捲幕晴光入畫屏花到三
春愁爛漫人逢上巳歎飄零紛紛薺灑新萍
水點點香飛乳燕庭千古多情王逸少肯將
妙迹寫蘭亭

細雨

黃梅時節雨濛濛最是廉纖潤物工似霧欲
迷還接地因風不散遠連空飛沾細柳和烟
碧灑上繁花刺眼紅莫向雕欄倚紅袖侵衣
多在有無中

江鄭堂出其妹小維摩龍女授經圖小
照索詩並讀詩集奉題六絕句

珠簾不捲坐焚香小字維摩病恰當要識多
才天亦忌蓮臺只合拜醫王

已歸淨土結蓮胎更向塵寰見異才讀盡儒
書千萬卷又從佛座受經來

月容花貌稱仙裳環珮玲瓏八寶妝笑問人
天諸眷屬本來色相兩俱忘

勞勞濁世厭塵氛法界花香淨許聞解得人
生都是幻一時苦海化慈雲

蘇臺翹首悵雲天邗上鶯花只自憐羨煞君
家好兄妹雙懸綵筆吐花鮮

胭脂不畫牡丹紅
嬾向窻前課女工
又見宣文施絳帳
幾多桃李坐春風

白鳳仙

簫聲吹斷海天長
月下歸來淺澹妝
絲挂殘英搖玉佩
風吹曉露解珠璫
欲乘雲去衣沾粉
幾化魂飛影帶霜
一自嫦娥邀醉後
至今還舞白霓裳

蠟梅

搖落芳華冷氣侵
是誰然蠟上寒林
折來瘦嶺香何減
開向梁園色更深
春信未傳千樹玉
晚風先報一枝金
江南消息黃梅早
不待孤山雪裏尋

秋葵

亭亭一樹午陰斜
綠葉黃英浥露華
獨怪無心迎曉日
最宜弄影上窻紗
文君老去霜容淡
花蕊行來翠袖遮
試問芙蓉開也未
秋風

同是錦城花
不須惆悵憶芳年
怕看紅飛碧樹巔
花到三
亦似四十初度和秋平原韻

春愁漸老人過四十意蕭然
膝前有子纔能負堂
無親最可憐
從此放懷身世外
任他蜂蝶說因緣

愁將明鏡照衰容
睡起南窗日上春
筆底雲山常入夢
胸中矛盾已全鎔
閒情只合盟花

月壯志何勞問鼎鐘
寂寂柴門深巷裏
階前常倩翠苔封

自負貧家韻事多
數椽老屋欲牽蘿
偶書碧葉成新句
爲掃殘花發浩歌
愛把春衫裁疋練
莫將短髮挽雙螺
奩中雖有丹青筆
張敞從來不畫蛾

荷君雅意比良朋
鮑汲梁春愧未曾
每笑敲詩成勁敵
有時並坐似枯僧
春朝煮茗花爲

供永夜圍棋月作燈安得神仙遺上藥瓊霄
携手學飛昇

自題畫幅

妖冶疑分魏紫色芬芳能鬪素馨香一聲喚

轉春光艷多少深閨上曉粧

玫瑰

淺深接續鵲啼館濃淡彌縫鹿眼籬兩點桃

唇輔倩靨嘉名含笑恰相宜

月季

春光宜上美人粧林下風清發古香真色何

須嫌藻繪不妨脂粉畫夷光

紅梅

孤芳只合慎行藏不是深山不可香縱使黃

磁能養性蒼苔白石已茫茫

蘭

花宮新築錦爲牆初試東風第一香桃李紛

紛競顏色一齊頰首拜花王

牡丹

綽約翻階殿衆芳朱朱粉粉繪春光從今寫

作濃烟色不向雕欄鬪艷粧

芍藥

題河鯉登龍門圖

蟾騰斗室搖長風壁間錦鱗思成龍揚波鼓
鬣河當中頭角未具鱗甲雄龍門萬仞摩蒼
穹縱生八翼層雲封欲跳不跳噎豐隆我見
爲之心忡忡鱗兮鱗兮開鴻濛超然一躍如
飛虹雷火燒尾五雲從萬里青霄路忽通

中秋食物八咏

葦黃菱白候獨爾擅佳名褪甲同蟬化含膏
比鳳清一鏡趨岸急雙剪畫潮平江海波恬

久何須介胄行

鱸

秋至饒佳味鱸魚世所珍多腮能泝水巨口
慣含蘋敗葦穿來細雕盤膾出新涼風動天
表清况係離人

鱸

最愛山家意方秋芋可炊前生應是石今日
忽成鴟地火煨來熟雲根剝出遲漫言同橡
栗逢閏已先知

芋

莫訝微枝弱稜稜角不磨託根同苕藻生性

耐風波翠實逢秋潔冰花背日多南湖煙月
好擬作采菱歌

菱

太華分餘種秋來滿野塘人憐花色好我愛
藕絲長素女雕爲佩湘娥織作裳一肱嬌可
擬疑是雪凝香

藕

密葉餘高蔭丹青借日烘陰陽分表裏稜角
半圓融霜餅盤中艷火珠掌上紅華林秋正
好珍重對西風

柿

團圓原似月輕薄未同雲色比霜花潔香含
桂子芬掬來如可擘畫出總難分最愛新炊
熟瓊肌十字紋

餅

釀蔗多仙意爲甘欲勸餐杏花春市暖竹葉
晚風寒世趣原多苦人情獨避酸幸餘佳味
在對此不眉攢

錫

雁

秋來江上老蒹葭雁陣驚風勢欲斜萬里遠

從遼海澗數行遙被暮雲遮
銜蘆羣渡聲何急避弋高飛路
正賒衡嶽晝依雲作障瀟湘
夜集影橫沙吟成落葉霜初冷
繞遍楓林月正華奮翻凌霄辭
絕塞工書盡日走天涯飛還遵
渚非關嬾爪不霑泥莫浪嗟自
有羽儀在達路豈如蹤跡類寒
鴉

秋興四律和秋平元韻

爽氣浮空動素秋雁聲橫過夕
陽樓霜寒橘

柚青峯醉露冷芙蓉白帝愁
律呂謾調鳴鳳管絲綸初展鈞
鰲鈎人間桂子都攀盡天上
吳剛斧未修

水落湘潭嶺樹蒼秋風超遞燕
歸忙徘徊道

路人千里珍重音書雁幾行

時石洲大兄
久客未返 滄

露黃英偏對月耐寒紫艷更凌
霜酒闌莫剪

西窗燭一寸愁心一寸光

天高如洗見行雲簾捲山樓日
欲曛殘柳有

歌悲學士蕪城無賦弔參軍波寒夜隱蛟龍
侶禾熟朝聯鳥雀羣一曲秋風休再奏落花
飛葉正紛紛
霞散林端秋色輝江城月上晚鐘微淺深雲
樹風前瘦濃淡山花雨後肥玉笛弄愁歸碧
落外絲寫恨入金徽閒居擬作安仁賦尊美
天涯客未歸

百美詩同秋平聯句次第爲韻

舊傳百美詩膾炙人口久矣汪繡谷又
作後百美詩工麗不減前人夏日無事
與秋平更羅百美聯成五十韻聊以遊
戲消遣非有意爭妍也

桃靨千金值

徐賢如

梨渦百媚生

黎倩

翠眉螺

染就吳絳仙

素頸玉槎成

秀香

紫粉瑩嬌面

段巧

笑

紅綃寄舊盟

灼灼

揚蛾能度曲

瑣女

妙手

會彈箏

玉娥

舞罷花羞色

花見

粧成雪妬輕

朱貴 香迷蜂蝶亂楚憐 貌與畫圖并紫竹 琴

客彈三峽李冶 書仙下九京曹文 龍堆春試

馬蕭燕 虎帳夜談兵洗夫 百部傳唐韻吳彩

千兵擁漢旌細君 袖中携短劍聶隱 馬上請

長纓秦良 鷓鴣兔原難辨木蘭 雄狐太不貞姜文

華年悲錦瑟錦瑟 織手破新橙李師 留客香

迷客史鳳 多情字折情小青 最憐蠶已化馬頭

娘費宮 不畏虎難攫費宮 綠葉傷遲暮綠葉 梨花

妬裸程熊嬪 井邊羞拆鳳孔貴 客裏怕聞鸚

琵琶粉鏡 懷中翫馮小 蓮杯掌上擎王賽 離

情歌碧玉碧玉 別緒戀黃鸞戎昱 笛裏邀恩

寵程一 花間記送迎步非 箋分紅袖艷鄭如

樓與絳雲平柳如 空有尚書號雷洽 能馳御

史名御史 嫦娥應住月張麗 學士比登瀛袁

舍買石 新刊字白金 簪花舊列評李恒 席前

司酒盞龍津 階下煮茶鎗采蘋 書寄烟波遠

龍女風傳瀨水清浣紗女低鬟憐好好好好密

約愛盈盈盈盈宴罷傳貞麗李貞麗功成覓愛

卿賈愛卿半粧非媚主徐妃一笑已傾城褒姒

佳句吟新月張夫人愁心付短檠李秀紅芙蓉

素頰簡簡白雪艷北利聲雪兒一半春風老南唐

周后千枝寶炬明寇白口同臨鸞鏡照徐淑共挽

鹿車行桓少君香暖金絲帳薛瑤英騎穿細柳營

冬哥愁容宜入畫平甫夫壯志敢從征張遐妻悵

望金雞赦黃夫人驚聞玉馬鳴陰月華強鄰才可

敵君王后弱戶力能撐李絡秀謫宦憐坡老溫都監女

工讒走趙嬰莊姬歌傳金縷曲謝秋娘睡起玉

釵橫歐公妓皓腕親搗鼓梁夫人朱唇淡點櫻江都

張妓寧王七寶帳寵姐汧國五花榮李娃誦賦

逢奇妬段明光憐才出至誠長沙妓蝶裙成萬古

祝英鷄枕報三更劉國容花底聞私語雅娘樓

頭舞落英洪妃夢回雲已散神女淚滴雨難

晴笑者最小偏憐汝韋氏清才不讓兄鮑令

蘭皋聞解珮漢皋雲際聽吹笙董雙洞口胡

麻飯天台天邊銀粟羹同昌幽香蘭九畹馬

闌烟雨竹千莖管道眾美間相比紅兒羣芳

未敢爭王寶曲終人不見湘靈惟有許飛瓊

許飛瓊

題滄浪漁父圖

扁舟一葉小如萍放蕩烟波樂性靈暮雁落

時停蓼岸閒鷗浴處過沙汀風前海月千層

白雨後江峯幾點青鱸膾蓴羹秋正好滄浪

歌罷酒微醒

丙午清明日卽事

愁雲天際慘難開柳色花光盡可哀新鬼含

悲舊鬼哭幾家墓上有人來

年來米價貴如珠少者伶仃老者殂多少青

春窈窕女桃花不帶採蘼蕪

枝頭布穀喚春辰官吏忙忙爲賑貧日費太
倉千斛米路旁猶自有饑人

十里紅樓醉管絃揚州春色最堪憐逢人怕
說晨炊斷只道連朝是禁烟

千葉紅羅舊製精草爐新又錫佳名兒童荷
得沿門賣錯認春聲喚買餈

鷄鳳豬麟語不荒採蘩終日不盈筐羣黎莫
漫嗟無食官府新傳辟穀方

縣宰錄辟穀諸
方懸示通衢

寒結層冰冷透衣幾家烟火斷柴扉豪門不
識桃花雪捲上珠簾看絮飛

一春心事貧兼病三月烟花雨又風記取丙
年甚荒歉淦窮長歎似坡公

擬曹子建驚風飄白日示松桂兩兒

驚風飄白日忽爾下西山餘輝映遠木悠悠
思何繁松栢蒼且鬱白雲殊閑閑中有懷貞
人曠然處其間非徒樂山水有志摩中天丈

夫懷遠大應得乘高軒何爲慕泉石空遺後
世憐相彼凌虛鶴猶羨羽翮全會當奮高節
芳聲播簡編人生何所貴所貴在無愆襟懷
自磊落中心常浩然流光如逝水慎勿虛華
年

紅葉和韻四首

郊原一望竟疑花幾樹參差映暮霞葉落怕
隨流水悟枝高每被斷雲遮綠楊城郭春無

迹紅豆山莊生有涯莫訝韶光易消歇丹楓
猶自發榮華

莫作松筠一例看霜清露冷未全安綵懸綺
樹風前艷紅勝林花雨後乾絢耀最宜朝日
麗蕭疎豈畏晚秋寒從今賞遍楓林色不買
胭脂畫牡丹

最愛江南畫裏村數株紅樹繞籬門遙聯孤
鶯霞千點遠映寒山月一痕杜宇更啼秋夜

夢桃花又返夕陽魂石家金谷休言富七尺
珊瑚且慢論

青娥造物費才思粧點寒林景最宜應識紅
泉爲故里絕憐絳樹是相知名傳巫峽傷秋
咏愁聽吳江落月詩歲晚芳華誰可並春回
惟與嶺梅期

題李艾塘先生畫舫錄四首

十里長湖歌吹喧避喧偏住水邊村每逢佳

日貧兼病花落蒼苔只閉門

明月鶯花翡翠樓繁華今古說揚州新編展
向明窗讀却勝腰纏跨鶴遊

草木禽魚盡寫生人文風土總詳明寸絲尺
素聯成匹疑是天孫錦織成

獨開生面網珊瑚細綴驪龍領下珠十里湖
光橋念四特將綵筆繪全圖

盆菊和韻四首

衆芳凋後芰荷殘
籬外黃英色可餐
養就素花邀月賞
扶來翠竹帶烟看
小山丹桂輪搖落
碧沼芙蓉遜耐寒
移向曉窗深位置
高情未許蝶蜂干

寒枝豈畏曉霜侵
簾捲西風眼倍明
不倩疎籬遮遠近
却憑短几列縱橫
閑雕碎玉成新葉
細剪殘霞襯落英
清茗一杯堪作供
新詩吟罷讀騷經

嫣紫嬌黃各擅奇
瓦盆磁盎總相宜
護持不仗東君力
慚愧重賡下里詞
青瑣風來香淡淡
素屏燈過影離離
繁霜冷露休相妬
深隔重簾那得知

綠茁新芽近小春
苔痕簇簇石磷磷
雙開宛擷釵頭鳳
一朵還留席上珍
賦就閑情如靖節
寫來高致似靈均
秋光雖老秋容好
留與梅花作比隣

題吳玉松太史除夕遊山圖

古人秉燭遊未聞是除夕除夕事百忙何暇
涉游歷爰有玉堂仙素耽山水癖良友三四
輩雙漿泛寒碧水靜波不花天寒日無色老
樹護暮烟遠峯橫怪石不聞絲竹音但聽鈴
語急千古四時中車馬閑此日山靈方靜養
來此不速客遙望吳城中下與塵凡隔

九九吟

葭管飛灰應始陽煖隨旭日破嚴霜學書已
減三餘半刺繡初添一線長莫怨青娥催景
色且操班管送年光漫言初九時將暮庭外
寒梅正吐芳

二九寒疑暖尚遙釀成雪意景蕭條方將春
信傳梅嶺漸次詩情在壩橋鶴舞風前寒竹
勁鴻飛天外凍雲飄天紅冶綠無消息惟有
松筠自不彫

寒凝霜溼日光晴三九初交景漸更寒雁將
迴衡嶽信羈人易動故鄉情時大兄
久客夾隄陽
轉枯枝發遠浦冰消凍草生歲月匆匆時已
暮兒童吹遍竹簫聲

臘盡今逢四九時雲陰漠漠日遲遲金樽滿
酌迎年酒玉管爭題送竈詩傲雪綠生新柏
葉衝寒紅破早梅枝閒來戲寫春聯句驚見
冰花結硯池

五九初經歲已除霏霏瑞雪落平蕪椒花頌
叶陽春調辟冷香添栢子鑪雨霽天開新日
月時更門換舊桃符年光又值三元首竚看
春迴萬象敷

青帝初臨萬物新梅花愈覺逞精神荆人重
結釵頭燕宋女還添額上春寒氣未迴燕谷
草東風漸動洛陽塵疎疎細雨元宵近六九
纔過節序頻

笙歌飄渺過樓臺三五纔過七九催映雪光
從天上落觀燈人向月中來園林柳發舒青
眼池沼春生轉綠苔已見繁華回宇內賞花
處處醉金罍

細雨初收更若何落梅時節近清和勻敷錦
繡三千遍普化陽和七二過山色晴明嵐氣
遠湖光清艷畫船多怡人淑景春風暖柳蘂
桃芽發嫩柯

冷烟寒雨妬穠華羯鼓臨風幾欲搗嫩綠纔
勻陶令柳新紅又上董仙花芳塵易軟遊人
屐農事初開野老家一曲春光催九九和風
淑景遍天涯

憶遠

耿耿不成寐所思在遠方泰山千仞高黃河
一水長去時蓮出水今見菊傲霜音書胡不
至徒共明月光

題顧季藍夫人采蘋藻圖四首

遠浦春深藻葉香及時采蓄備蒸嘗
閨人自駕前賢禮故襪蘭舟入水鄉

陌上桑枝青復柔短蓬雙槳入清流
桃根桃葉休相比爲采青蘋佐薦饈

隴麥花香曉日晴關關水鳥隔溪鳴
采蘋慢采根和蒂來歲春風葉又生

閨中名筆繪成圖妙手清才愧不如
我亦閑

窻耽畫癖滿庭芳草賦離居

立秋日感賦

感時驚迭換商氣掩朱明殘暑收雲脚
新秋報雨聲柳塘朝影淡桐院午陰清
別有懷鄉者孤吟動客情

時秋平客山左

六十初度時秋平授經闕里作四律見

寄依韻奉和

回思舊事未全忘縮地何由效長房
闕里每

懷來遠信瓊筵猶記集飛觴

予幼在閨中值誕日曾與二兄

芳谷三兄丹崖集春夜宴桃李園序字成詩

蓬蒿有宅棲難穩鴻雁無音自可傷

時大兄桐江客粵久無信回二兄芳谷居于大姪天長學

署三兄丹崖已故

彈指流光同過隙蕭蕭兩鬢染新

霜

細評往哲愧前人賢媛何時再問津教子未

能詩禮脩持家何厭米鹽頻生逢盛世難言

賤老住名鄉自足珍正是清明天氣好花開

花謝眼重新

曾聞仙樹慣棲鸞未遠塵囂起浩歎半世辛

勤思可畏十年夢幻悟應難寄居廡下同梁

孟共挽車行羨鮑桓有約入山還記否歸來

重向畫圖看

舊日曾作歸隱圖

司馬文章老未厭鴻才堪與德相兼青春介

壽無需酒

予夫婦皆不善飲

壯志調羹欲待鹽習靜

只宜書作伴遊囂那許燕歸簾何時携手歸

蓬島笑數人間鶴算添

赴武林道中十絕

從未離家今遠行
紛紜愁緒囑頻頻
行裝檢點無多物
筆墨丹黃一篋輕

纔出瓜洲眼界寬
金焦兩柱鎮回瀾
平生不識風濤險
閑倚篷窗作畫看

如馬奔濤起戰爭
錦袍玉貌請長纓
英雄翻是推巾幘
千古江流學鼓聲

瓦屋鱗鱗對水居
桑麻雞犬足清娛
垂鬟窄袖誰家女
自向園中摘野蔬

過江林樹未全黃
近水人家傍夕陽
處處丹青難着筆
柳坡麥隴下牛羊
暮色蒼蒼暮色蒼蒼
倦倚蓬窗夜不眠
關心家事似旌懸
行行欲盡江南境
吳越山川又一天
谷中決米寒鴉
無數長橋界遠空
往來人影太匆匆
帆檣望盡雲連水
閒指遙天羨落鴻
旅容愁對一

短篷吹笛夜來舟
斷續能添旅客愁
怪底一宵眠不穩
微風吹浪打船頭
六代興亡地
遊覽滸墅關前晚
泊船客舟鱗集各
爭先米家船上惟
書畫關吏空勞說
稅錢
烟月迷離過虎邱
山光高與暮雲浮
蒼茫塔影連帆影
百里溪山畫裏遊

西湖

昔讀西湖誌
今來鼓楫遊
兩峯排碧漢
一水

帶瀛洲處處橋橫岸
重重柳拂樓
素懷欣自慰
何必說揚州

咏節使廳前冬青樹

扶疎老幹欲參天
傲雪凌霜不記年
百卉飄零枝獨秀
衆芳搖落子初圓
月中仙桂同三五
海上靈椿可八千
比似此間青翠色
朝朝看過畫欄前

甲子立春和書之夫人源韻

羨君彩筆吐花鮮調叶青陽雅韻聯羅勝應
時春有色條風送暖玉生烟遙聞瑞麥甦高
壟漸見書雲帖遠天笑我不知雙鬢改也簪
采燕慶華年

病中四絕呈阮經樓書之兩夫人

風雨蕭蕭過上元銀花火樹總休論病中儘
自無聊賴怕聽笙歌聒耳喧
瘦骨稜稜坐小齋圖書滿架絕塵埃繁華春

色無從見只有幽蘭伴我開
小榻茶烟伴老人更兼風雨入新春衙齋咫
尺如千里不睹芝顏又二旬
新詩賦就比雲霞彩筆圖成更可誇惟祝年
年二三月壽星常照牡丹花

題阮伯母林太夫人遺照二首

炷香盟手拜遺容仰止如瞻天姥峯骨抱九
仙青簡註衣披一品紫泥封文章教子成蘇

白禮法持家比郝鍾冰署談詩慚後學幸傳
懿訓想溫恭

歡騰兩浙口成碑母教還從惠政知猶憶六
經嚴課讀偏教三釜起哀思祭豐泣血悲今

日

予在節署親見中丞祭
太夫人哭泣極哀

案舉齊眉憶昔時

湘圍封翁每憶
夫人輒揮淚不已

太

留得慈雲化膏雨遍沾

海溼與江湄

素心蘭

素心花可愛宜對素心人畫閣添清供瑤窻
伴席珍冰姿開愈潔碧葉長初勻芳澤多佳
咏空山自好春幽香無媚色雅韻遠浮塵綠
綺傳神久黃磁養性真秋風歌渺渺楚客頌
頻頻不與諸蘭偶東皇別有因

同經樓夫人西湖舟中作二首

一湖春水碧粼粼千樹桃花夾去津看到垂
楊偏惹恨絲絲離緒縮愁人

平堤一片菜花黃比似天桃更有香行盡六
橋不知遠半湖春色半斜陽

同作

阮孔經樓

白雲庵外六橋邊峯影湖光春可憐一色
菜花三五里南山黃到北山前

一層湖水一層樓遙望雲山未得遊好約
綠秋女居士筍輿同去看深秋

臯亭山看桃花和經樓夫人原韻

畫舫朝行春水中晴光曉射玻璃紅結伴漪
裙修禊事蘭橈輕泛隨東風春山隱隱春雲
斷取次看來花爛漫萬樹桃花十里紅淺迷
綠水深迷岸李花梨花千百重幾家村舍清
陰濃移舟更入萬花裏明霞返照波溶溶一
望前溪紅不絕到此留連那肯別仙憶桃源
擬再來來時莫負春時節臯亭山下多夕陽
夕陽影裏東風香快遊且漫促蘭槳緩緩歸

來十里塘

四時閨中八詠與經樓書之兩夫人及女
弟子同作

春閨八詠

小樓昨夜雨初聞極目青山望不分
隔岸濛濛迷柳色侵階細細濕苔紋
蝶尋舊夢依枝懶燕壘新巢繞戶勤
門掩黃昏三徑滑淒其芳樹冷梨雲

春雨

四野垂陰雲氣濃春雷應節喜三農
看花莫認香車過占歲應知瑞電從
透戶輕風吹蕩蕩隔窻流水聽淙淙
太平時候多膏雨未許深山有臥龍

春雷

淡蕩清冷起綠蘋柳枝桃萼盡含春
偶經竹院開瓊籜暫拂蘭池躍錦鱗
溫暖能回幽谷草輕狂休動洛陽塵
天涯不少迷途客可借扶搖接上津

春風

層城阿閣轉蟾光翠掩重門樹色蒼春滿畫
欄人弄笛烟浮寶鼎夜然香柳堤風拂娟娟
影花陌陰濃處處芳倚檻清吟添逸興不須
燒燭照紅妝

春月

深閨何處識芳叢花落花開指顧中陌上女
柔晴映日湖邊官柳曉含風門臨流水浮新
綠川映斜陽透淺紅李徑桃蹊堪入畫臯亭
山外翠龍葱

春樹

重檐點滴雨聲殘曉起晴光滿畫欄山借日
輝生翠暈水澄霞彩泛紅瀾繡簾半捲留飛
絮春服初成試薄寒滿苑芬芳清景麗願教
長倚玉屏看

春晴

蘼蕪山下楚江濱望裏青青色漸勻襯出綠
波浮畫舫疊成翠扇送雕輪陶家舊宅連三
徑謝氏高樓又一春看盡榮枯悟消息慢憑
風雨問前因

春艸

自惜輕陰潤羽毛更乘陽氣集林臯桐花綠
後翔么鳳柳色青時聽伯勞却羨文禽依嫩
藻生憎小鳥啄含桃乘時都讓春山雉得繪
華儀上錦袍

春鳥

夏閨八詠

小睡初醒避午暄閑携紈扇坐瓊軒槐陰雨
過羅襟潤竹徑風來翠袖翻戲鏤冰花消溽
暑靜烹荷露滌囂煩北窻半啓新京透領得

羲皇古意存

納涼

曉起晴曦照畫檐綠窻閒暇理牙籤曝書好
趁炎光淨檢笥應愁濕暈霑叠叠瑤篇開錦
篋層層湘帙啓瓊奩晚涼收貯簽題好滿炷
芸香細細添

曝書

爲探荷香度畫橋綠楊深處起鳴蜩餘音咽
暑因風急薄翼迎涼帶雨飄似有閒情吟葉
底每多清韻出林標不知齊女緣何事終古

長鳴怨未消
出林聞蟬
碧玉雙奩黑白分
花陰對奕
趁斜曛
修蛾頻
斂凝思
靜翠袖高揜
落子勤動
靜機宜
忝陣
法縱橫
聯絡似星文
多情却笑
旁觀者不惜
輕風亂鬢雲
圍棋

曉起湘簾一桁垂
偶舒畫筵
效臨池
含毫欲
試夫人格
覓句先吟
幼婦辭
揮汗不辭
懸弱腕
尋行先爲
蹙修眉
書成携
傍花陰
立墨瀟

才乾拂較遲

題扇

暑雨初收納
晚涼流螢
點點繞迴廊
輕揮羅扇
尋踪杳
欵步花陰
逐影忙
纔見飛颺
來北苑
又看熠燿
過西墻
紗囊收聚
懸書幌
抵得明珠
一夜光
撲螢
長蔓逶迤
翠葉攢
及時佳果
薦雕盤
鎮心解暑
同霞艷
沁齒清涼
似雪寒
最愛金刀
分瓣
瓣何憂
赤日上
團團
晚來又
逞雕龍
技五色

華燈映曲欄
土圓食瓜
節過端陽幾日晴
爲愁花悴
遶堦行自攜金
剪芟蘭葉更汲銀瓶
灌菊英幸有餘波沾細
草還思清露潤香蘅
巡欄久立斜暉斂碧漢
遙瞻月已生
澆花

秋閨八咏

出岫無心變態多
輕於綿絮薄于羅
暫停碧漢因風聚
微抹青山帶雨過
葉葉孤帆隨野

浦行行新雁淡
明河閨人望遠頻
憎爾目斷天涯損翠蛾
秋雲

雲散秋高夜氣晴
空階玉露下無聲
驚時易感詩人意
賦別頻傷遠客情
潤草遙看珠錯落
侵花似覺淚晶瑩
江南八月清霜早
惜翠愁紅慢結成
秋露

鴛鴦瓦冷夜無霜
曉起雲陰壓畫堂
碧沼芙蓉愁暮雨
清池楊柳憶朝陽
午尋文字嫌窻

暗晚寫花枝借燭光四野垂垂迷望眼羨他
鴻雁任翱翔

秋陰

深院無人倚畫樓浮雲散盡夜光幽黃河原
自通天上碧漢遙應接海流歷歷榆花明兩
岸輝輝桂魄照三秋小鬟欲效康成婢笑指
雙星問女牛

秋河

只隔西風不隔花光明一片玉無瑕吟餘偶
啓看飛雁繡倦閒開數過鴉夜雨濕苔聽轉

細秋蟾窺牖望偏遐良宵讀罷頻聞倚縷縷
茶烟透碧紗

秋窗

閑坐書窗聽早鴻蕭寥一片有無中吹來庭
院凋紅粉抹過林臯剪翠叢萬戶砧聲敲夜
月千林木葉響秋風離人思婦愁聞此撫景
傷懷賦不窮

秋聲

不惜弓彎踏翠苔曲欄深苑立徘徊紫薇映
日枝枝艷百合含風朶朶開曉露却疑春景

麗晚涼時送好香來賞心更有東籬菊占斷
秋光直接梅

秋花

古人鍼口慎于言何故嚶嚶草際喧勇可害
身須戒鬪默能養性豈難論社公愛結簷前
網齊女思歸月下魂惟爾哀鳴無所爲露寒
風冷鬧黃昏

秋蛩

冬閨八詠

閒撥金猊熟麝煤氤氳香滿讀書臺雲生寶

鑑奩初啓烟繞瑤琴指乍回午夜辟寒朱戶
閉清宵伴月繡簾開却疑一縷晴絲細輕撲
流蘇去復來

然香

最愛臨流洗硯時寒梅疎影映參差凍消不
藉金鑪炙清絕惟應玉水宜泛出墨花雲欲
亂散開筆彩日初移聰明淨本如冰雪染翰
新題慶歲詩

洗硯

深羨寒閨韻事賒吟詩纔罷又評茶一痕初

試青磁色數葉新煎紫筍芽碾碎龍團看製
作浸來雀舌鬪清華隔窗愛聽濤聲細縷縷
輕烟透碧紗
品茶
自慚腸腹本空虛好檢牙籤一啓予豈但借
爲驅蠹策也教免悞弄麈書健忘敢望知三
篋勤閱何難徧五車况值夜長功更倍不辭
呵手較蟲魚
檢書
曉起霜風隔戶鳴火移鉛鋤熨衣平領邊紋

展金鑪轉袖底春生斗柄橫軟襯襪能陳几
艷煖浮狐貉稱身輕天吳紫鳳增光彩五色
文章分外明
熨衣
焰生寶炬最煌煌讀書論詩樂未央爲愛銅
壺傳漏永却煩金剪剔煤長風多慣灑雙行
淚月暗還分四壁光女伴有時偏護惜愛他
花蕊結蓮房
剪燭
三尺輕綃展素紈橫鋪小几近窗寒烘開凍

硯圖霜菊融就濃脂畫牡丹筆底雲山供賞
玩案頭丹粉足盤桓寫生好做徐黃格六法
分明仔細看
作畫
宇內寒生廣漠風凍雲釀雪壓房櫺麝煤添
炷龍涎煖槐火新燃獸炭紅不用負暄隨日
影也堪課讀學冬烘閨中共坐如春轉話久
無煩翠袖籠
圍鑪

春閨八詠

阮孔瑤華

經樓

新愁一段怯春寒細雨如絲撲畫欄翠葉
藏鶯烟漠漠朱簾隔燕晝漫漫綠楊窗外
人初靜紅杏伎頭花未乾更覺小樓今夜
永簷聲相和漏聲殘
春雨

新暖餘寒幾度催山前水外轉輕雷虺虺
百里驚龍起隱隱羣陰凍蟄開乍見電光
爭照耀恰同雲影共徘徊阿香嬌小春眠
慣莫遣推車入夢來
春雷

湘簾微度峭寒侵
暗送清香入戶深
輕蹙水紋生碧浪
細吹花片出芳林
催回旅雁隨雲轉
驚起流鶯繞樹吟
桃李濃華春正好
莫教亭館綠成陰

春風

書帷半捲看冰輪
雲斂風和寂寂春
楊柳池塘明似鏡
梨花庭院淨無塵
芳暉入戶晴偏好
圓影當窻夜轉新
千里素娥同皎潔
蘭閨應照詠詩人

春月

聽得禽聲在小園
暖風吹碎玉笙喧
朝穿密葉圓吭滑
暮戀繁香翠羽翻
飛過桃花依細草
立隨竹影上重門
催殘春色知多少
曉夢驚回豈足論

春鳥

極目芬芳積翠叢
亂生春色影籠葱
烟迷萬綠排山外
枝帶千花壓水中
鳥戀新巢初隱隱
蝶尋密葉更匆匆
晚來天畔霞光襯
却似經秋霜裏紅

春樹

春深濃罨草芊芊滿地青痕絕可憐嬌觀
落花猶帶露碧隨流水却含烟風暄綺陌
韶光遠日麗芳津物色妍好向湖堤閒望
去裙腰一道綠相連

春艸

裊裊遊絲繞綠楊風和雲斂日初長圖書
整頓簾櫳靜山石璽瓏草木香花變新紅
搖倩影水成嫩碧泛崇光春來風雨連綿
慣難得今朝看夕陽

春晴

夏閨八詠

閒倚迴欄送夕陽芰荷滿沼晚來香虛窻
雨歇琴書潤小閣風生筆硯涼樹疊濃陰
留月住竹分清影著鐙藏蘭庭氣爽簾櫳
靜蝙蝠黃昏繞曲廊

納涼

小扇團團如月明薰風題處入懷清頻敲
檀柄吟詩慣爲惜冰紈著腕輕若看山溪
情淡蕩偶依花草筆縱橫寫餘莫漫留名

字但把閒章印押成

題扇

滿院槐陰過雨天一聲聲又聽新蟬頗如
與我同吟詠何必教人奏管絃幾度夢迴
清晝裏多時立向晚風前愛看稚女梳雲
鬢似爾輕盈亦可憐

聽蟬

幽庭晝永亦清閒棋子輕敲戛玉環聊借
兩奩排意興却從全局說機關靜言欵欵
同商酌密思深深共往還算畢推杯無箇

事軒渠一笑對青山

圍棋

數點流螢繞玉臺緩持紈扇共徘徊才看
暗暗穿欄過却訝熒熒入袖來天上榆陰
星欲誤榻前花影月初開書窻自有鐙相
照莫遣紗囊聚作灰

撲螢

幽花無語泥人看正值炎天日影乾爲惜
冰姿添細水更噴玉蕊繞廻欄榴開錦砌
如丹渥竹照紗窻似鳳攢折取幾枝贈閨

友笑言猶恐晚粧殘

澆花

薰風添渴日將斜細切青門五色瓜翡翠
圓盤盛燦爛玻璃小盃透光華四分玉角
初沾指一片瓊漿欲沁牙聊借清涼消暑
氣何須煎水又評茶

食瓜

吳中微雨亦多時雲色垂垂近硯池偶遇
初陽開紙閣何妨鎮日敞書帷濕消細帙
宜翻覆暖透芸編好護持夕照已殘收拾

去更來燒燭檢新詩

曝書

秋閨八詠

金井梧桐一樹秋白雲滿目意悠悠碧山
雨歇松篁靜玉宇冰清窻戶幽素影羅羅
看漸散餘光采采任輕流何當更到深秋
後又逐飛鴻過畫樓

秋雲

白露如珠八月中月光斜照玉屏空一簾
秋色流疎影四野清虛濕晚風點點花稍

明錯落輕輕葉底碧瓊瓏休將憔悴傷時
節清冷猶多丹桂叢

秋露

碧空萬里湛銀河不見仙人槎渡過玉影
疎窻流不盡夜天涼氣浸如何簾櫳寂寂
秋如水牛女熒熒雲似羅新月欲沉人欲
卧惟聞殘漏滴金波

秋河

碧雲如霧復如烟疎影梧桐絕可憐雁響
蒹葭千里夢風寒橘柚半晴天檐前暮色

將沉矣竹外斜陽更黯然庭院深深無箇
事祇宜女伴覓詩篇

秋陰

形如綃素冷如霜玉骨瓊瓏透夕陽最喜
宵分傳漏急不愁風緊滅燈光開來低映
梧桐影隔去猶聞桂子香正是天高人意
好又聽鴻雁過樓墻

秋窻

草色淒涼韻最清幽然更覺斷腸聲吟風
却似深宮怨泣露猶如工婦情暗壁悲秋

燈半燼小窗促織月孤明
虛齋坐久銀屏冷
怪汝無端鳴不平
秋蟲

翠館朱樓小苑西
碧欄金鎖靜深閨
芙蓉何事蕭蕭落
蟋蟀憎他細細啼
一枕涼風聆韻遠
滿窗殘月聽聲低
蕭慘入耳聞清響
半在前山半後溪
秋聲

日照東窗上碧紗
寒花滿苑亦堪誇
風吹美艷輕裝粉
雨帶清香薄染霞
獨占九秋

情澹澹不隨春卉影
斜斜小山叢桂東籬
菊風景依稀感歲華
秋花

冬閨八詠

重簾不捲倚鑪薰
瓣瓣清香著意焚
三尺金猊含馥郁
一雙寶鴨試氤氳
烟光無定輕如影
篆縷多情細似雲
坐對小窗冬尚暖
却從鼻觀得微聞
焚香

端溪漢瓦我家傳
洗向堦池小浪圓
欲使

一規除宿墨何妨十指漬寒泉安排筆札
侵晨後整頓文房釀雪天羨爾人間真石
友不辭辛苦自磨研

洗硯

深閨乍冷欲驚霜檢點輕裘拂素囊
燕得烏薪添細火持將銅斗熨寒裳
連朝風色隼人意半日工夫爲此忙
疊疊帖平須趁早莫教兒女覺微涼

熨衣

松聲石鼎颺烟斜淨洗紅瓷共品茶
蟹眼

清風催活火鳳團春雪泛輕花碧雲凝盃
評珠蘖綠乳浮甌試露芽顧渚頭綱龍井
葉比量香色未相差

品茶

晴窗檢點舊時書滿架牙籤任卷舒次第
縹囊分未了參差翠軸數何如須教檀格
排冰繭莫遣芸編飽蠹魚愧我不能通六
藝虛從絲竹壁邊居

檢書

滴粉調脂總不如畧成花果兩三株參差

意態留疎影點染風光入小圖半幅生綃
爲午課數枝斑管作清娛何愁凍雪常揜
袖耐得深寒細細塗

作畫

官漏頻催蠟滿檠湘簾不捲夜幽清常將
并剪敲銅葉莫使飛花落畫枰拈去玉蟲
添燦爛生來珠蕊更分明三更殘焰拼銷
盡好讓窻梅帶月橫

剪燭

雪緊風寒掩翠幃一鑪溫火共相圍西窻

接席同閒話小閣添香更覆衣半晌笑言
何欸欸大家衫袖恰依依春朝詩畫商量
遍柏葉椒盤餞歲歸

圍鑪

春閨八詠

阮劉文如

書之

飄瓦沾花夢未休晚來又帶絮風收吹簧
欲澁鶯無語晒粉無衣蝶亦愁草逗輕烟
山半露柳翻翠浪水平流小樓能得幾番
聽春到歸時少計留

春雨

碧窗初啓小書堂雲滿南山暖暗藏雨勢
壓城龍起蟄電光穿壁燕歸梁一聲出地
虺虺啓萬物知春處處陽却似香車看花
去雙輪微動石堤長
春雷
幾番輕暖又輕寒漸逼羅襟兩袖寬但覺
吟來飛絮好只愁送去落花殘涼生綠浦
粼粼浪香透紅樓曲曲欄
春風
亂爲將玉尺壓書看

寒盡西園月色添海棠楊柳露輕霑一輪
夜色飛銀兔千里春光駕彩蟾
混射金梯
遙對鑑影橫白塔靜流檐清輝分得知多
少但覺融融滿撲簾
春月

驚起清眠却爲何春來驟覺鳥聲多杏花
新燕喃喃語楊柳嬌鶯恰恰歌簾外半回
捎蝶去林梢幾次逐羣過連朝晴響聽簫
鼓比似圓吭妙則那
春鳥

又向春深發嫩芽水邊林外幾人家雨餘
山色千重暗日暮江雲一片遮接葉巢鶯
香更妙分枝繫馬影初斜秋來若問霜天
景萬葉紅于此日花

春樹

綠滿春郊景色妍山前寶馬渡頭船青青
二月東風裏淺淺西湖兩岸邊一路帶花
還帶柳連朝和雨又和烟遊人漫道韶光
好莫忘清霜九月天

春艸

江南二月暖風多宿雨初晴淑氣和風送
花香醒蝶夢日烘春色聽鶯歌遊絲無力
依芳樹飛絮多情託綠波曉起雲開人意
爽春耕正可種嘉禾

春晴

夏閨八詠

小庭北戶納涼天夜看銀河斗柄懸卷幔
延風初雪爾移牀就月自悠然清香送暑
歸檐外綠樹垂陰到枕前鈴閣漏催三鼓

盡未成詩句莫輕眠
苦熱談天日更長
新蟬聒耳忽飛揚
蛻來還向輕枝抱
喧處羣沾綠葉香
雨後殘聲頻斷續
風前逸響亦清涼
槐深柳暗無人見
坐聽繁音到夕陽

聞蟬

雲階小坐共楸枰
不用銀燈借月明
黑白雙奩難似譜
縱橫小劫最多情
收回竹院看花遍
敲向松窗落子輕
勝負欣然皆可

喜但將香茗較輸贏

圍棋

池邊閒坐試煎茶
提扇來時拂水花
幾句新詩隨意寫
數行疎影向人遮
筆端揮汗蘭薰熱
袖底生風墨瀋斜
摺疊似帆團似月
兩般韻事總堪誇

題扇

偶提團扇撲飛螢
搖亂花枝繞曲屏
拂袖熒熒翻素月
入懷暗暗散流星
暫停燭外三分燄
小落風前一點青
若聚紗囊將夜

讀不須藜杖照遺經

撲螢

炎天火織正團團一片芬芳慮乍乾
要借西湖泉水潤莫將北苑晚花殘
却如急雨瀟瀟下何怕驕陽烈烈蟠
落日清風涼更透折腰半晌倚欄看
澆花

晴日薰風理蠹魚却因梅雨一春餘
故從北戶開三篋直向東軒曬五車
午後滿天雲影薄庭前片地竹陰疎
自慚眼拙難勤

學多是平生未見書

曝書

殘曛已薄月過牆幾陣薰風送晚涼
夜沁齒牙真似雪寒清肌骨有餘香
金刀破取芙蓉瓣晶盞盛將琥珀光
更勝玉泉能解渴一甌顏色最嬌黃
香小食瓜

秋閨八詠

雲光靨黠散高天無雨無風任自然
薄綺輕羅紋巧疊翔龍飛鳳影相連
去來絕迹

低烟水隱顯忘機出岫巔坐對小窻人意
爽却隨羣雁過樓邊雨添秋雲
曉入西園花草香沾衣初覺葛衣涼灑灑
濕到高樓外湛湛清垂小院旁落地似珠
還似玉滿階如雪復如霜年年明月三秋
夜最愛朝陽散紫光
莫向牆陰步履行好聽蟲語到三更瓊瓏
月外悲秋意瓔珞草邊促織聲曲曲屏山

燈燭影凄凄窻檻杵砧鳴幽詩却是授衣
節多少人間嬾婦驚
秋蟲

病後身孱感歲華愁紅怨白滿天涯寒雲
漠漠連窻暗碧樹沉沉半壁遮生怕衰荷
多敗葉却憐殘菊尚開花秋陰未必如春
重也覆江城十萬家
秋陰
雲影將秋渡玉河滿階花影月明多却通
槎路盈盈去可倚建章皎皎過星網珠踈

涼若此月奩金小夜如何一天清絕流華
渚繞過紗窗桂樹柯

秋河

冷透斜風未肯休疎窗閒向水邊樓縱橫
六尺清如畫爽朗雙扉穩似舟雨外已聞
蟲語響夜來漸有雁聲流蕭蕭落葉添愁
意皓月開時亦不愁

秋窗

檐底鈴聲萬木風淒涼一片憂瓊瓏玉河
天遠三更後黃葉烟深九月中修竹搖霜

聽砧杵寒花浥露落梧桐棲鴉無語詩人
靜四壁蟲音一燭紅

秋聲

清清石逕繞紅樓一片閒花物色幽香散
晚風涼避雨蕊含朝露冷宜秋曬來蝶粉
依林穩抱得蟬衣落地愁不爲寒英好枝
葉西園無事不來遊

秋花

冬閨八詠

深深庭院夕陽殘小炷添香試海檀似玉

生烟融煖氣如雲散彩辟微寒常將碧篆
縈書卷莫遣青絲出畫欄消受冬時清韻
好薰人衣服抵春蘭
焚香

羲之宅似我池邊墨色輕浮古研田常與
玉函同拂拭好將彩筆試新鮮潤生鸚鵡
紋猶濕滴傍蟾蜍暈自圓但得清閒無俗
事不嫌日日滌寒泉
洗硯

短燒紅燭夜寒清多少牙籤亂葉聲墨寫

冰文繙處潤蠹消仙字拂來輕祗今料理
開三篋却念辛勤擁百城竚見嬌兒能讀
此遍翻佳本對長檠
檢書

壁間小幘曉風搖却爲疎花著意描檢點
幾枝新象管商量半幅好鮫綃不將螺黛
同眉畫漫買燕脂任手調折得寒梅依樣
寫秋風春雨未能凋
作畫

蟹眼添湯烹嫩芽清泉石鼎沸聲譁停來

閃爍浮冰片注去霏微帶雪花鶴嶺已知
青色妙龍陂更許紫茸誇紅甌碧盞嘗來
遍須是旗槍汲白沙
品茶

幾日欄前看雁橫授衣節後曉寒生鋪將
袖摺層層穩貼就衫痕處處平今日襟裾
真煖燠舊時花樣更分明簾前一桁安排
好却念貧家織未成
熨衣

銜鼓沉沉夜未央枝枝紅燭自搖光蘭膏

欲滿挑須好花蕊將殘落未妨飛去玉蟲
生嫩白試將金鑷割昏黃幾回閒話西窗
下截得參差一樣長
剪燭

臘殘飛雪已堆鹽幾陣風威又撼檐鴿炭
初焚寒漸減猊鑪細撥焰頻添團團列坐
論心曲緩緩微溫上指尖却愛歲寒梅與
竹階前楚楚耐清嚴
圍爐

甲子三月送經樓夫人歸寧曲阜二首

雅集衙齋半載餘一朝分袂感離居桃花水
暖催蘭漿楊柳風和送錦輿小閣添香思品
畫西窗剪燭憶繙書殷勤相送歸洙泗目望
晴波雙鯉魚

詩禮名家翰墨香圖成彩筆奉高堂明珠擎
掌離情慰寶笈隨車吟興長鄉思羨君歸闕
里閒愁爲我寄維揚相期莫負觀潮約八月
錢塘秋水長

鮑老夫人院中藤花綉球盛開命畫于摺

扇並題贈

團圞不與衆芳同翠葉冰花一院中疑是東
皇閒蹴踘春風琢就玉瓊瓏

萬字欄邊老桂枝藤花榮繞紫英垂春深我
亦陪吟賞相伴慈顏坐片時

話久頻將玉茗斟暖風庭院正宜人碧桃開
後海棠謝一剪春風入扇新

懷經樓夫人舟中二首

蕭蕭風雨送行舟
兩地思親一樣愁
虧是江南好
烟景綠楊影裏過揚州
嬌雛笑語話家人
指點青山入望頻
遙想舟中多韻事
敲詩作畫送殘春

咏堂前米囊花

欄前新水綠平池
欄外嬌花吐艷姿
開到米囊春已暮
嫣紅姪紫惜芳時

送春

春從何處來
又向何方去
來去總無憑
殷勤問芳樹
問樹樹無言
綠葉傷遲暮
蛛絲絆落花
燕泥濕飛絮
時序有更遷
紅顏難久駐

杭州五月

奇絕杭州五月天
葛衣不著著輕綿
雲連樓閣沉沉雨
花滿池塘處處烟
小蝶尋香雙翅濕
新荷瀉水一珠圓
官齋清靜閒無事
掃地

焚香晝自眠

桐綿

東皇散采費心思
開到桐芭覺更奇
著葉渾疑甘露降
因風莫認柳花吹
淹華舊志能爲
布織采會聞績作
絲最是夜涼金井
上輕沾么鳳掛高枝

六月廿四日俗言荷花生日戲作荷花曲

六月薰風吹綠萍
西湖水長荷花生
湖邊女兒對花拜
向花綽約矜容態
魚戲東西不可尋
菡萏如面藕如心
玲瓏能奪天工巧
綉出荷花顏色好
裁就羅裙百褶新
秋風好作采蓮人
紅妝采采秋波裏
願爾房房結蓮子

夏日曉起偶成

晨光照綠樹
北苑啓幽窻
露竹搖枝細
風荷弄影雙
高檐看瓦雀
深巷聽籬危
偶憶宵來

夢鄉思未便降

立秋後一日坐受祜堂看雨有感

受祜堂前碧四圍一天涼雨洗炎威琴絲入

耳清商遠窻影侵人爽氣微白髮早生慚絳

帳素音中斷惜金徽姪女筠書工詩與予曾有迎秋曲唱和之作近

得家信知已為泉下人不勝痛悼不堪重讀迎秋曲三十年

來事已非

節署後苑

秋草芊芊綠可憐葵花黃淡藕花鮮石橋小
水無人到一樹殘陽噪晚蟬

賀阮劉書之夫人育麟之喜名祜六月廿八日生

余字之日金環

清晨喜語出瓊樓頭角崢嶸髮自凋惟願仙
才如老鳳青春得意步瀛洲

錢塘江上看潮歸過西湖賞晚荷

予家舊住廣陵城秋江每每聽濤聲今年秋

作西泠客江上看潮潮復生初見澄江淨如
練小舟迎潮若飛燕兩岸秋山相對青乍見
雲邊白一線殷殷如鼓復如雷萬馬奔騰撼
地來浩渺却疑銀漢決滄茫如見雪山頽憑
欄瀚漫望無涯百尺風濤怒捲沙馮夷弄波
陽侯舞千人萬人不敢譁就中孰測盈虛理
我欲燃犀照江水猶恐難憑罔象窺世上奇
觀乃有此少時潮退江水清肩輿又向西湖

行老樹拂雲如傲客野花隨路不知名逶迤
漸入招提境怪石嵯峨仙桂映殘荷猶剩兩
三枝露冷烟寒立明鏡雙塔參差歸路邊歸
來笑語聚燈前未遊入莫殷勤問待余寫出
觀潮篇

八月十七日江樓觀潮用坡公八月十七

日登望海樓觀潮韻

坡僊曾促試官來添燭披文紙作堆七百年

來同此日也從江上看潮回
紛紛小艇望橫斜逐浪迎潮漫自誇想見三
千水犀甲紅旗青蓋耀龍蛇
潮來雪浪接雲層潮去人言聽始謦我是揚
州未歸客不知何處是西興

秋來隨處木樨香樓外風多拂面涼綠鬢誰
家看潮女分將碧水照紅妝

青山不改夕陽紅今古同歸一瞬中識得浮

生皆幻相茫茫天地一飛蓬

鵲

靈鵲飛鳴遶洞房穿林拂葉趁斜陽纔過丹
桂呼朋去又立青松喚子忙間向銀河修倦
羽饑從瑤圃啄殘香憐他鴻雁何辛苦萬里
關河覓稻梁

咏蘭菊

秋風颯颯秋露滋小庭重放澤蘭枝葉葉繁

條攢紫錦叢叢青粉點臙脂榮華更有東園
菊秀色寒英香簇簇蘭可珮兮菊可餐佳人
採之長馥郁

題阮雲臺中丞秋江載菊圖

輕舟滿載廣陵花紅紫芬芳燦若霞從此江
關添韻事高風不數舊陶家

碧月含輝照古今扁舟江上晚潮深西風似
解重陽近直送黃花到武林

移得寒芳節署栽小池相對卽蓬萊落英原
是延年藥萊綵筵前侑壽杯

聽讞披文政事餘使君風調勝歐蘇西湖蓮
葉平山柳未見當年繪作圖

予家住近傍花村只隔城闔兩扇門二十年
來成往事徘徊花下立黃昏

題阮梅叔亭泖湖卧游圖

步出雲間城秋色燦如綺三五素心人共泛

柳湖水雲散秋波明烟凝暮山紫紅葉透疎
林蒼葭隔遠沚對之息塵心卧看沙鷗起歸
來繪成圖如坐烟波裏

冬日晚歸寓齋

怪石蹲如獸清溪落葉輕散衙聞晚鼓又傍
曲欄行

旅雁飛鳴過長天月一彎夕陽隔烟樹翹首
望吳山

乙丑新正記日詩

一日與秋平對奕

曉日曛曛上卿雲麗遠天層臺留積雪叢樹
拂晴烟花賞三春景棋爭一著先不須縈別
意且共樂餘年

二日作畫

閒坐衙齋靜攤書日已長畫梅先洗硯檢紙
屢開箱枝亞昏黃月花浮黯淡香圖成還共

賞一幅足清光

三日晚歸寓齋

寓齋歸向暮燈火小窻紅樓角懸新月簾旌
動晚風清如梅鶴侶春入蕙蘭叢話久渾忘
寐遙遙聽唳鴻

四日憶家

三冬惟此日兀坐歎年華荆樹雖連萼孫枝
未有芽感情忘作客多病每思家欲上層樓

望西窻日又斜

五日立春

誰識春消息東園草木知客懷殊落落暖意
覺遲遲愛讀新春句重刪舊歲詩年光如逝
水雙鬢又添絲

六日微雪

蒼帝司晨令餘寒尚作威窻鳴風料峭簾隔
雪霏微爐火凝烟淡盆花放蕊稀饑鷹唳天

表鷗鳥自忘機

七日人日

新正多雅咏人日最留名蓬髮簪花勝春盤

列菜羹襯鞋芳草淺點額落梅輕半月晴明

後湖山聽早鶯

八日占歲

占歲今晨好晴光滿碧柯方欣徵瑞麥早為

兆嘉禾村落閒人少陂塘野水多老農歌擊

壤海宇樂熙和

西湖種柳詞為雲臺中丞作

東風吹綠西湖水萬樹春花發新蕊惟有垂

楊繫客愁依依弄影臨清瀾六橋烟景舊聞

名今古才人咏句新十里波光連綺陌三春

人影動香塵予家遠在蕪城住春時柳暗平

山路看山又向武林游聽鶯來訪西湖樹零

落西湖楊柳枝絲絲縷縷不勝吹長條空憶

將軍樹嫩葉誰描京兆眉碧艸萋萋波渺渺
天桃落盡飛黃鳥白傅祠前春水深蘇公堤
畔清陰少白公去後又坡仙誰繼風流七百
年帝顧東南予節鉞天語諄諄命仔肩力拯
哀鴻濟饑餒手戮長鯨靖左海沿堤種柳比
甘棠湖波山翠添光彩杭州捍海重錢塘種
柳千行復萬行選枝分插湖堤遍役不重興
法更良春風也解仁人意吹開柳眼舒新翠

楊柳逢春年復年多少行人蒙蔭庇春雨濛
濛春日和春深又見柳花多共唱西湖柳枝
曲不用重編德政歌

雨中牡丹

濕透燕支色乍勻融融濃襯粉光新絳羅高
捲難遮影綠酒朝酣醉寫春爲惜驕陽窺素
面故教清雨灑香塵西湖三月花如錦可許
羣芳結比鄰

白桃花

窗外白桃花亭亭如靜女不羨紅粉妝臨風何楚楚

回揚州留別杭州書舍

仙館瑯嬛接畫樓綠陰深映水亭幽兩年作客頻居此千里還家遠夢留花鳥亦含離別意雲山不管古今愁故鄉姊妹重相聚共坐蘭房話舊遊

答王愛蘭夫人

翠屏洲詩人王柳村之妹

武陵客二載遊遍羣峯青况復得吟侶相賞挹芳馨耳君盛名久結念托宵冥一卷冰雪詩字字本性靈兄妹兩酬唱天倫樂家庭彼此勉闡德足以垂儀型緬想村居景柳綠濃遠汀

讀淨因夫人詩集

王瓊 愛蘭

孤村凋木葉遙見寒山青臨風一展卷忽

散幽蘭馨夫人我神交高致凌青冥秉此
貞靜德匪徒矜性靈餘情工染翰索畫何
戶庭直繼蠹窻後風騷垂典型讀罷一長
歎新月來前汀

答王子一女史

柳村長女

詩人聚一室咏絮獨推君翹首望明月相思
阻白雲有才能異俗妙思迥超羣顧我傷遲
暮江洲日易曛

讀爭因夫人詩集

王迺德

子一

綠淨詩人後風詩屬此君筆端涵古雪紙
上有僊雲白鶴忽然唳青松自不羣何時
竹西路相訪話斜曛

答子莊女史

柳村次女

姊妹耽詩癖清才發異香聯吟誇錦繡相伴
擬鸞凰山遠亘空色溪寒淡夕陽隱居神已
往水竹護山莊

讀淨因夫人詩集

王迺容 子莊

弱齡耽嘯咏開卷發天香好句比蘭茝其
人如鳳凰蕪城環綠水瓜渚隔斜陽擬待
桃花日期君輞水莊

立秋前二日作

細雨滴堦頭梧桐葉葉愁一般青翠色何故
早驚秋

西風損芳條涼雨洗蒼翠我亦如秋葉畏寒

加半臂

冬夜與經樓書之二夫人過隋文選樓
暮雲散盡月當頭玉宇無塵翠欲流寒色侵
人霜氣重一庭花影夜光幽

樓居西北重文名窻檻玲瓏初構成一瓊明
燈二分月珊珊人影盡書生

悶雨

小病朝慵睡起遲櫻桃花上雨絲絲綠窻早

課書聲歇靜掩房櫳自校詩

風雨

寒食今過半月餘疾風暴雨損花枝海棠卸
盡飄梨粉惟有青青柳葉垂

看牡丹有感

花徑行來踏軟塵香風拂拂露華新休思異
地飄零客時秋平客南沙且看遙堦富貴春幸有清
詞酬麗質愧無彩筆寫丰神世間凡卉難相

比自結瑤臺玉洞因

初夏閒咏

慙慙復悠悠長天不斷愁結爲雲不散日日
罩高樓高樓春晝永流光競馳騁青帝整歸
鞭朱明更夏景夏景日初長嫩竹發修篁茶
蘩牽薄翠芍藥開新妝新妝鬪紅紫在冉憐
花事朝見花滿枝暮看花落地落地逐風飛
飄零何所歸燕含來畫棟蜂抱入朱扉朱扉

慵不啓憔悴傷嬌女宿昔懷幽貞容華空自許

文選樓芍藥分韻得枝字

灼灼紅香翠葉垂芬芳不讓牡丹枝似憐贈
別開偏艷也解留春放較遲佳兆昔傳韓相
讌名篇時咏謝公詩三賢祠外花千朶醉露
歛風又一時

綠秋書屋詩鈔



